

آبونه شرائطی : هریر ایچون  
سنه لکی (۴۰۰) آلتی آیلنی  
(۲۲۵) ، ممالک اجنیه ایچون  
سنه لکی (۴۵۰) ، آلتی آیلنی  
(۲۵۰) غروشدرد .

نسخه سی ۷۵۰ غروشدرد .  
سنه لکی ۵۰ عدددر .

اداره خانه : باب عالی جاده سنده  
رشید افندی خائنده

اخطارات

آبونه بدلی پشیندر .

مسلكه موافق آثار مع الممنونیه  
قبول اولنور . درج ایدلهین  
یازیلر اعاده اولتماز .

والله یهدی من یشاءالی صراط مستقیم

باش محرر  
محمد طاکف

صاحب و مدیر  
اشرف ادیب

سیر ۱۳۳۰

آدره من تبدیلنده آریجه  
غروش کوندرملیدر .

مکتوبلرک امضاری واضح  
واوقوناقلی اولسی و آبونه  
صره نومروسنی محتوی  
بولونسی لازمدرد .

ممالک اجنیه ایچون آبونه  
اولانلرک آدرس لرینک  
فرالسزجه یازلسی رجا اولنور .

پاره کوندردلیکی زمان نهیه  
داثر اولدیینی بیلدیرلسی  
رجا اولنور

اتبعون اهدکم سبیل الرشاد

## حسینک بیاتنامہ سی

صوک کونلرده (مکہ) دن (عمان) . کیدہ رک ہانکی مقاصدک  
پشندہ قوشدینی ہنوز لایقیلہ آکلاشیلہ مایان (حسین) سیاحت  
آخرہسندن مقدم بر بیاننامہ ، دہا طوغروسو وحدت اسلامیہ یقارشنی  
خیسات و جنایتلرینی تشہیر ایدن بر وثیقہی کندی ایلہ نشر  
ایتمشدر . حسین بو بیاننامہ ایلہ انکلیر ملتنک حسیاتہ مراجعت  
ایدیور . انکلیر دیپلوماتلرینک نہایت حرب و بحران زمانندہ ہرخان  
وطندن بر قاج فروش و بر طاقم پارلاق وعدلر مقابلندہ تأمین اولونان  
استفادہ لری خاندان نبوتہ معنأ ہیچ بر نسبی ، ہیچ بر رابطہ سی  
اولمایان (حسین) دن تأمین ایتمشدر و ہیچ بر وقت کندیسی منافی ،  
دساس بر خان وطن ، بر خان اسلام پایہسندن دہا یوکسک بر پایہ  
یوکلمتہ مشلردر . انکلترہ دیپلوماتلری (حسین) . دایما بو طرزده  
معاملہ ایدہ گلشدر ، آرزہ صیرہ کندیسی بر مقدار پارہ ایلہ تطمین  
ایتمشدر ، فقط عرب استقلالندن ، عرب وحدتندن بحث ایتمک  
عوام قمارلرنده ، یا خود لوردلر قمارسندہ کندیسی تریذیل ایتمکدن ،  
آلدینی پارہ لری اعلان ایلمکدن ، و بوضورتہ نظرلرنده پارہ  
مقابلندہ ایش کورہن ، وجداتی ، شرفی ، بوتون مقدساتی ساتمش  
برخان وطندن باشقہ برشی اولدیغنی تشہیر ایلمکدن چکینمہ مشلر ،  
کندیسنک اولجہ عثمانلی دولتی طرفندن تعین اولونان برنامور ،  
بر پاشا ، ایکن سایہ لرنده «قرال» اولدیغنی و اوغللرینک دہ بر  
مأموریتہ یعنی بر قرالغہ تعین اولوندقلرینی یوزینہ چاریمقدن  
صاقینامشدر . فقط حیدان ، شرفدن ذرہ قدر نصیب اولمایان  
(حسین) بوتون بوتریذیلری سینہ یہ چکش ، کندی نامی و کندی  
اعمالی موضوع بحث دلکش و بوتون بوحقارتلر یوزینہ صاورولمایورمش  
کئی حرکتہ مجبور اولدی . چونکہ باشقہ دیرلور حرکت ایتسہ ، و کندیسنہ  
اولجہ ابدال اولونان بر طاقم پارلاق وعدلرک اونودولدیغنی ضلالتہ ،  
فلاکتہ ، اسارتہ سوق ایتمکلی خلقہ بیلدیرسہ باشقہ انتقام صاعقلرینک  
اصابت ایدہ چکنی بیلدیر و بناء علیہ خلقی الدائمقدہ دوام ایتہی کندی  
منفعی نامنہ اک موافق خط حرکت اولارق تعقیب ایدیور .

مع مافیہ (حسین) طرفندن نشر اولونان صوک بیاننامہ موصی الہیک  
اضلال سیاستندہ آرتیق دوام ایدہ میہ چکنی کوستریور . باقکنز  
(حسین) نہ دیور :

«... بوکون ہر برک وحدتی بوس بوتون مختل اولمش ، حادثا داغیلشدر ،  
عرب مملکتلری میسی بر برندن آریلشدر . بوندن طولانی ہر برک قسم اعظمی  
نی مملکتلرینی بریتانیا ایلہ اونک متقلربنہ ساتمش اولقلہ اتہام ایدیور ،  
بوتہمت ایسہ منسوب اولدیم خاندانک شان و شرفنہ قبضہ ابراہ ایدہ چک

مظہر اولسی انقرہدہ کی ایران و افغانستان سفیرلرینک دہ نظر دقتلرینی  
جلب ایتدی . ایران و افغان مکتبلرندہ دہ تدریس اولونمق اوزرہ لسان  
فارسی یہ ترجمہ ایتدیرمہ یہ باشلادیلر .

ایشتہ شیمدی ایکنجی طبعلری ساحہ انتشارہ وضع ایدیلن (دینی  
درسلر) علم و عرفان ساحہسندہ بو قدر عظیم تأثیرلر حصولہ کتیردی .  
بوکون فاضل محترم عمر نصوحی اقدی طرفندن نشر ایدیلن (موضح  
علم کلام درسلری) دہ بو ایدہ یازیلش اک کوزل بر عقائد اسلامیہ  
کتاییدر . بو کتاب ، عقائد صحیحہ اسلامیہ یی حاویدر . علی الاطلاق  
ادیانہ وبالخاصہ دین مبین اسلامک ماہیت علویہسنہ دائرہ برخیلی مہم  
مباحثی احتوا ایدر . عقائد اسلامیہ خصوصندہ بر جوق تدقیقات کلامیہ یی  
حاوی و مسائل کلامیہ ایلہ علاقہ دار بولونان بر قسم نظریات و تبعات  
فلسفیہ یی محتویدر . زمانمزدہ موضوع مناقشہ اولان اجتماعی ،  
تاریخی بر طاقم مسائل مہمہ حقندہ برخیلی معلومات و مطالعاتی جامع  
بولونمقدہ در . افراد امتک معنویاتی اعلاہ ، تجری حقیقتدہ بولونان  
کنج فکرلری تنویرہ ، جمعیت بشریہ نک احتیاجات روحیہسنی تطمینہ  
خدمت ایدہ چک یکی بر طرزده یازیلش و بوضو صائدہ اسلاف و معاصریندن  
بر جوق ذواتک آثار علمیہسندن استفادہ اولونمشدر .

کرک (دینی درسلر) ک ، کرک (موضح علم کلام درسلری) نک  
محتویاتی آریجہ قاپاغہ درج ایدیور . بو کتابلری او قومق و ہر کسہ او قومق  
بوتون مسلمانلرک وظیفہسندر . بالخاصہ ہفتی اقدیلر اکر مسلمانلغہ خدمت  
ایتمک ایسترلسہ ۔ گہ ایستہ دکلرنده شہہ من یوقدر ۔ بولوندقلری محیطدہ  
بو کتابلرک نشر و تعمیمنہ اللرندن کان ہمتی درینج ایتہ ملری اقتضا ایدر .

### سردہ سردہ فعالیت

بوہفتہ آناطولینک مختلف ولایتلرندن کن غزتہ لردہ دارالخلافہ مدرسہ لرینک  
فعالیت و ترقیاتندن بحث اولونمقدہ در . بر جوق یرلردہ شرائط صحیحہ یی حاضر ،  
یوزلجہ طلبہ یی استیجابہ کافی بر قاج قاتلی منتظم ، بووک مدرسہ لرشا ایدیور .  
طلبہ بر لکری شکل ایدیور ، ارکان ولایت و اشراف اہالینک حضوریلہ  
ہتدا اولونان اجتماعلردہ طلبہ طرفندن ایراد اولونان علمی و دینی نقطہ نظرلرک  
فوق المادہ تقدیراتی جلب ایدیور . یکی یکی مدرسہ لرشا انشاسی ایچون حبتلی  
ودیندار آناطولی اہالیسی بووک فدا کارلر و ہمتلر کوستریور . مدرسہ لرہ  
قارشنی بووک ملت مجلسی طرفندن اظہار اولونان توجہات خلق اوزرندہ پک  
زیادہ حسن تأثیرلر حصولہ کتیردی کورویور .

کرک مدرسہ لرک کوستردیکی بوفعالیت ، کرک بووک ملت مجلسنک مدرسہ لرہ  
قارشنی ابراز ایتمکلی بو حیاہ بوتون مسلمانلری ممنون ایدہ چکنہ شہہ یوقدر .  
اخیراً مجلس ، مدارس علیہ طلبہ سنک دہ مکاتب و دارالخلافہ طلبہ لری کئی وظیفہ  
ہسکریلرینی تأجیل ایتمش ، خدمت مقصودہ یہ تابع طومشدر . بودہ آریجہ  
موجب شکر اندر . شیمدی طلبہ علوم ایچون مساعیلرینی تزیید ایدرک دین و ملت  
خدمت ایدہ چک اہلیت و اقتداری احراز ایتہ یہ بدل ہمت صورتیلہ ادای  
شکران ایلک اک متعمم بروظیفہ در .